

Te farereiraa e te aparauraa



Te tuatiraa te farereiraa

I te mau tau atoà e i te mau vahi atoà, ia tupu anaè te farereiraa i rotopū i te mau nunaa e, te vaira te fifi no te faatuati raa i te mau manao e te parau. Te reira fifi, tei roto ia i te parau no te reo nā mua roa, e reo ē tō vetahi e aita i tuati i tō te tahi. Eita paha ia tātou e hepohepo roa no te mea, eita ihoā i te mea ohie ia taa i to te tahi reo.

I teie tau e rave rahi te mau raveà tei faanahohia no te haapiiraa i te mau reo atoà e tiā ia haapihia i raro aè i teie rai, e tiā roa ai ia parau e aita e otiā faahou, tei tō tātou noa itoito i te haapiiraa i te reo o te tahi atu mau nunaa.

Teie rā te mea e itehia nei, oia hoi noa atu teie maramarama tō te taata, aita ihoā te faatuatiraa e tupu maitai nei. Eaha ia te tumu ?

Te vahine Tamarā e o letu.

Ei pahonora e teie uiraa, e tiā ia tātou ia haamanāo i te parau no to letu fare-reiraa i te vahine tamarā i pihaiho i te apoo pape a latopo (Ioane 4). I roto i teie parau tei papu maitai ia tātou, te ite ra tātou i te huru no te aparauraa tei tupu i rotopū ia letu e te vahine Tamarā. I te tahi taime, e au ra e ua haamaau noa teie vahine i te parau o ta letu e haapii nei ia na. No tō na anei taa -ōre e aore ia no tō na farii-ōre i te mau parau o ta letu e faatiā nei ia na ? Ia hiō maitai anaè tātou e au ra te vaira ihoā tō teie vahine mau manaō e i mua i te huru parau o ta letu e parau nei, aita o ia e papu nei i te auraa mau no teie mau parau.

E tiā ia haamanāo tātou e te vaira ihoā te tahi mau auraa-ōre i rotopū i te mau Ati-luta e te mau taata no Tamarā, e te reira ra mai tahito mai ā ia. Ua riro te reira tuāti-ōre e tumu no te taupupu raa te aparauraa i rotopū ia letu e te vahine Tamarā. E teie huru hohoā tuāti-ōre i roto ia letu e te tahi mau pupu taata no tō na tau e rave rahi ia hohoā o tā te mau papai evaneria e faatiā ra. A hiō noa na i tō na farciraa i te mau faritea, te mau tahuā rarahi, e te mau taote no te parau a te Atua. Na reira atoā hoi i tō na farereiraa ia Nitotemo, aita atoā hoi o ia e taa ra i te aura o te parau tā letu e faahiti ra no te «fanau faahou outou e tiā ai».

Te tiāraa o te hiroā tumu i roto i te farereiraa.

Nā roto i te hiōraa i te parau nō te vahine tamarā, e matara atoā mai te

parau nō te tiāraa no te hiroā tumu. Mai te peu ua riro te hiroā tumu e haapāpūraa i te tiāraa o te tahi taata i mua i te tahi atu mau taata, e tiā atoā ia parau e ua haaapiapi atoā te hiroā tumu i te tauāraa parau.

Oia mau, mai te peu ua riro te hiroā tumu e haapāpūraa i te tiāraa o te tahi taata, ia nehenehe ia na ia faaite e o vai mau o ia, e tiā roa ia parau e aita atoā te reira i tauturu na ia tātou i te tahi mau taime i roto i te farereiraa i te tahi atu mau nunaa. Ua haataupupu rā e ua haafifi i te mau tuatitiraa.

E i roto i te hiōraa no reira mai teie huru tō tātou i te tahi taime i roto i te tauā-parau-raa, te opereraa manao e te feruriraa parau āmūi. E ere i te mea ohie i te fariiraa i te manao o te tahi atu mau taata. E ere no te mea aita tātou e au i taua taata ra, no te mea noa rā e te manao ra tātou e aita o ia e faatura ra i tō tātou mau manao, e hau roa atu aita o ia e imi ra i te raveā e ia ite mai ia tātou i roto i tō tātou taatoāraa. No reira teie manao tō ū e ua riro te hiroā tumu e faaapiipiraa i te tuatitiraa i rotopū i te mau taata. Eita e ore e ui ia tātou e e aha ia te raveā e matara ai teie fifi ? Aita e pahonora e aore ra e raveā tei ineine no te horoā atu. Te mea noa e vai nei oia hoi mea tano ia haamata tātou i te faarii e ua haaapiapi noa na te hiroā tumu i tō tātou farereiraa te tahi e te tahi. E ia oti e tamata tātou i te imi i

te mau raveā atoā ia riro te hiroā tumu e mauhaa nā tātou no te faatuatiraa ia tātou paatoā.

Eiaha rā e raveā noa no te faaiteraa i tō tātou taaēraa e te tahi atu mau nunaa. Ia riro mau rā teie o ta te Atua i pupu mai i tō tātou mau hui tupuna e i taviri tei iriti i te mau ūputa a nehenehe atu ai tātou ia ite atu i te tahi mau taeae tō tātou i roto atoā i tō rātou taatoāraa, e ma te faatura atu i te mau mea tā rātou e faaite atoā mai ia tātou.

Aita e nunaa i hau i te tahi, e nunaa parau mau anaè tātou paatoā tei tahoēhia i roto i te ūtuafare o te mau tamarā a te Atua. I roto i teie ao o tā tātou e ora nei, aita tātou i titauhia no te faataaē ia tātou, te ani nei rā te Atua ia tātou ia imi i te mau raveā atoā ia farerei tātou e ia faatuati i te tahi atu mau nunaa. Ua horoā mai te Atua i te mau raveā ia tātou no te faatupuraa i tō na hinaaro, e tiā anei hoi ia tātou ia haamauā i tā tātou taime i niā i te tahi mau parau tei faataaē ia tātou ? Te toe noa ia tātou o te faaohi-paraa ia i taua mau raveā ra i te mau taime atoā tātou e farerei ai i tō tātou mau taeae, noa atu tō rātou huru e te huru no tō rātou taaēraa ia tātou, ia faariro tātou i te reira e faufaa nā tātou e ei horoā no o mai i te Atua ra.

Ralph Teinaore.

Témoignage

Une étudiante polynésienne en France...

La nature d'un tahitien est différente de celle des européens. Son éducation est basée sur l'union, l'amour de la famille. Ce comportement ne lui permet pas de prendre une décision personnelle pour son avenir sans l'avis de ce contexte familial.

Dans la mentalité polynésienne, un « bon père de famille » se doit de soutenir son enfant, jusqu'à son mariage et même conseiller. Où est l'indépendance, la responsabilité de l'enfant devenu homme et à son tour père de famille ? Ayant, comme seul « patrimoine » les conseils « du bon père de famille ».

La question se pose : quelle attitude aura un étudiant tahitien face à ce pays d'abord, face à ce peuple et sa langue, ses habitudes, ensuite face à ses études ?

Pour un polynésien qui n'a jamais voyagé, prendre l'avion pour la France est déjà un grand pas (en avant).

En arrivant sur cette terre, il aura l'impression d'être dans un désert et d'être « invisible » pour eux. Il ne retrouvera pas l'accueil chaleureux de la Polynésie, les fleurs de tiare et les couronnes de coquillages. Il sera son seul conseiller, responsable de lui-même et devra faire les démarches tout seul s'il veut arriver à destination. Dans ces moments difficiles (pour lui), la chaleur familiale lui manquera énormément. Que faire, que dire pour s'en sortir ?

Rina El Battah